



Broj: 16-12-16-2052- 13 /26
I. Sarajevo, 31.03. .2026. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12), člana 70. st. (1), (2), (3) i (6) Zakona o javnim nabavkama („Službeni glasnik BiH“, br. 39/14, 59/22 i 50/24), člana 7. stav (5) Pravilnika o uslovima i načinu korištenja e-aukcije („Službeni glasnik BiH“, broj 80/23), Izvještaja o toku i završetku e-aukcije od 30.03.2026. godine, na preporuku Komisije za nabavke za potrebe Državne agencije za istrage i zaštitu u 2026. godini broj 16-12-16-2052/26 od 31.03.2026. godineu postupku javne nabavke ljetnih auto za potrebe Državne agencije za istrage i zaštitu, direktor Državne agencije za istrage i zaštitu, d o n o s i

ODLUKU

o izboru najpovoljnijeg ponuđača u postupku javne nabavke ljetnih auto guma
za potrebe Državne agencije za istrage i zaštitu

Član 1.

U postupku javne nabavke ljetnih auto guma za potrebe Državne agencije za istrage i zaštitu (daljem tekstu: Agencija), putem konkurentskog zahtjeva za dostavljanje ponuda, korištenjem e-aukcije, na preporuku Komisije za nabavke za potrebe Agencije u 2026. godinu (daljem tekstu: Komisija) broj 16-12-16-2052/26 od 31.03.2026. godine, okvirni sporazum na period od dvije godine, dodjeljuje se ponuđaču „GUMA VP 200“ d.o.o. Mostar, ponuda broj 16-12-16-2052-8/25 od 18.03.2026. godine, za ponudenu cijenu u iznosu od 13.700,00 KM bez uračunatog PDV-a, umanjenu nakon rezultata e-aukcije.

Član 2.

(1) Ponuđač „GUMA VP 200“ d.o.o. Mostar obavezan je Agenciji dostaviti dokaze o ispunjavanju uslova iz tačke 3.1.1. Konkurentskog zahtjeva.

(2) Dokaze iz stava (1) ovog člana (orginal ili ovjerena fotokopija) ponuđač je obavezan dostaviti Agenciji u roku od pet dana od dana prijema ove odluke.

Član 3.

Ova odluka se dostavlja ponuđačima najkasnije u roku od sedam dana od dana donošenja Odluke, uz istovremeno objavljivanje na internetskoj stranici Agencije.

Član 4.

Za izvršenje ove odluke zadužuje se Sektor za materijalno-finansijske poslove Agencije.

Član 5.

Ova odluka stupa na snagu danom donošenja.

O b r a z l o ž e n j e

Odlukom broj 16-12-16-2052-1/26 od 04.03.2026. godine pokrenut je postupak javne nabavke ljetnih auto guma za potrebe Agencije, procijenjene vrijednosti 25.000,00 KM bez uračunatog PDV-a, za koji je obavještenje o javnoj nabavci broj 1161-7-1-75-3-39/26 objavljeno na Portalu javnih nabavki 06.03.2026. godine i u „Službenom glasniku BiH“, broj 20/26 od 13.03.2026. godine. Novčana sredstva za realizaciju navedene nabavke obezbijedena su u okviru budžetskih sredstava za 2026. godinu, a na osnovu Instrukcije o privremenom finansiranju institucija Bosne i Hercegovine za period januar-mart 2026. godine, broj 05-02-2-7293-1/25 od 18.12.2025. godine i Dokument okvirnog budžeta 2026. - 2028. godinu. Za navedeni postupak javne nabavke predviđena je e-aukcija u skladu sa Pravilnikom o uslovima i načinu korištenja e-aukcije („Službeni glasnik BiH“, broj 80/23) (u daljem tekstu: Pravilnik).

Obzirom da je tačkom 6.1. Konkurentskog zahtjeva navedeno da je rok za dostavljanje ponuda 18.03.2026. godine do 13:00 sati, da se ponude dostavljaju u zatvorenoj koverti, Komisija je dana 18.03.2026. godine u 14:00 sati izvršila javno otvaranje ponuda, te je konstatovala da su blagovremeno dostavljene ukupno četiri ponude i to:

R/B	Naziv ponuđača	Ukupna cijena ponude u KM bez uračunatog PDV-a
1.	„UNITRADE“ d.o.o. Ljubuški	21.091,22
2.	„TOTAL TRADE“ d.o.o. Doboj	23.970,00
3.	„EURO DAM-JAS“ d.o.o. Lukavac	24.923,98
4.	„GUMA VP 200“ d.o.o. Mostar	22.012,80

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik BiH“, br. 39/14, 59/22 i 50/24) (u daljem tekstu: Zakon), sačinila Zapisnik o otvaranju ponuda, koji je u roku od tri dana, od dana otvaranja, dostavila ponuđačima. Postupak je dalje nastavljen u smislu pregledanja dokumentacije priložene uz ponude, a u cilju ocjenjivanja ponuđača, te njihove kvalifikovanosti shodno uslovima navedenim u Konkurentskom zahtjevu.

Komisija je utvrdila da ponude ponuđača „UNITRADE“ d.o.o. Ljubuški, „TOTAL TRADE“ d.o.o. Doboj, „EURO DAM-JAS“ d.o.o. Lukavac i „GUMA VP 200“ d.o.o. Mostar ispunjavaju kvalifikacione uslove u pogledu lične sposobnosti, sposobnosti obavljanja profesionalne djelatnosti i ekonomske i finansijske sposobnosti, kao i formalno-pravne uslove iz Konkurentskog zahtjeva.

Komisija je od Sektora za materijalno-finansijske poslove aktom broj 16-12-16-2052-11/26 od 19.03.2026. godine, tražila stručno mišljenje, da li ponude ponuđača „UNITRADE“ d.o.o. Ljubuški, „TOTAL TRADE“ d.o.o. Doboj, „EURO DAM-JAS“ d.o.o. Lukavac i „GUMA VP 200“ d.o.o. Mostar ispunjavaju tehničke uslove postavljene u Konkurentskom zahtjevu. Aktom broj 16-12-16-2052/26 od 25.03.2026. godine Sektor za materijalno-finansijske poslove dostavio je mišljenje u kojem je navedeno da ponude ponuđača „UNITRADE“ d.o.o. Ljubuški, „TOTAL TRADE“ d.o.o. Doboj, „EURO DAM-JAS“ d.o.o. Lukavac i „GUMA VP 200“ d.o.o. Mostar odgovaraju postavljenim i traženim uslovima iz Konkurentskog zahtjeva.

Imajući u vidu da je Konkurentskim zahtjevom za postupak javne nabavke ljetnih auto guma za potrebe Agencije predviđeno provođenje e-aukcije u skladu sa Pravilnikom, da su dostavljene ukupno četiri prihvatljive ponude, Komisija je zakazala e-aukciju za dan 30.03.2026. godine sa početkom u 11:00 h u trajanju od 20 minuta, na kojoj su učestvovali slijedeći ponuđači i to:

- a) „UNITRADE“ d.o.o. Ljubuški, za ponuđenu cijenu u iznosu od 21.091,22 KM bez uračunatog PDV-a;
- b) „TOTAL TRADE“ d.o.o. Doboj, za ponuđenu cijenu u iznosu od 23.970,00 KM bez uračunatog PDV-a;
- c) „EURO DAM-JAS“ d.o.o. Lukavac, za ponuđenu cijenu u iznosu od 24.923,98 KM bez uračunatog PDV-a;
- d) „GUMA VP 200“ d.o.o. Mostar, za ponuđenu cijenu u iznosu od 22.012,80 KM bez uračunatog PDV-a.

Prema Izvještaju o toku i završetku e-aukcije od 30.03.2026. godine, Komisija je sačinila konačnu rang listu ponuđača koji su učestvovali u postupku e-aukcije, kako slijedi:

R/B	Naziv ponuđača	Konačna cijena u KM bez uračunatog PDV-a	Umanjenje cijene	Rang
1.	„GUMA VP 200“ d.o.o. Mostar	13.700,00	37,76 %	1
2.	„TOTAL TRADE“ d.o.o. Doboj	13,800,00	42,43 %	2
3.	„EURO DAM-JAS“ d.o.o. Lukavac	15.650,00	37,21 %	3
4.	UNITRADE“ d.o.o. Ljubuški	17.000,00	19,4 %	4

Shodno Izvještaju o toku i završetku e-aukcije od 30.03.2026. godine, Komisija je utvrdila da je bilo snižavanje cijena ponuda kao kriterij za dodjelu okvirnog sporazuma u skladu sa članom 10. Pravilnika.

Nakon provedenog postupka ocjenjivanja dostavljenih ponuda, uvažavajući stručno mišljenje Sektora za materijalno-finansijske poslove, Komisija je utvrdila da je ponuda ponuđača „GUMA VP 200“ d.o.o. Mostar ocijenjena kao najpovoljnija ponuda, te da ista ne premašuje procijenjenu vrijednost javne nabavke.

Cijeneći naprijed navedeno, prihvaćena je preporuka iz Izvještaja o radu Komisije i odlučeno da se okvirni sporazum na period od dvije godine, u postupku javne nabavke ljetnih auto guma za potrebe Agencije dodijeli ponuđaču „GUMA VP 200“ d.o.o. Mostar, kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima;
- Sektoru za mat.-fin. poslove;
- a/a.

DIREKTOR
GLAVNI GENERALNI INSPEKTOR POLICIJE

Darko Ćulum